

Bosna i Hercegovina  
Federacija Bosne i Hercegovine  
Kanton Sarajevo  
Općina Centar

**JAVNA USTANOVA OSNOVNA ŠKOLA "VLADISLAV SKARIĆ" SARAJEVO**  
**Terezija 48**  
**www.osvs.edu.ba**

Na osnovu čl. 88. i 94. Zakona o osnovnom odgoju i obrazovanju ("Službene novine Kantona Sarajevo", br. 23/17, 33/17, 30/19, 34/20 i 33/21), čl. 4., 5., 6. i 18. Pravilnika s kriterijima za prijem radnika u radni odnos u predškolskim ustanovama, osnovnim i srednjim školama kao javnim ustanovama čiji je osnivač Kanton Sarajevo ("Službene novine Kantona Sarajevo", br. 29/21 i 31/21), čl. 71. i 113. Pravila JU OŠ "Vladislav Skarić" Sarajevo, Saglasnosti ministricе za odgoj i obrazovanje Kantona Sarajevo, broj: 11-30-26245-24, od 24. 12. 2021. godine i Odluke Školskog odbora, broj: 01-1-7-3/22, od 05. 01. 2022. godine, JU OŠ "Vladislav Skarić" Sarajevo, raspisuje

## JAVNI KONKURS

**Za popunu upražnjenog radnog mjesta** na određeno vrijeme, od okončanja konkursne procedure do povratka radnice s bolovanja, odnosno s porodijskog odsustva, a najkasnije do 31. 8. 2022. godine za:

1. nastavnika razredne nastave ... 1 izvršilac, puna nastavna norma.

Poslovi navedenog radnog mjesta obavljaju se na osnovu Zakona o osnovnom odgoju i obrazovanju ("Službene novine Kantona Sarajevo", br. 23/17, 33/17, 30/19, 34/20 i 33/21, u daljem tekstu: Zakon), Nastavnog plana i programa za osnovnu školu (NPP), Pedagoških standarda i općih normativa za osnovni odgoj i obrazovanje i normativa radnog prostora i opreme, nastavnih sredstava i učila po predmetima za osnovnu školu („Službene novine Kantona Sarajevo“ broj 30/18, u daljem tekstu: Pedagoški standardi), Pravilnika o radu škole (objavljen na službenoj internet stranici Škole) i drugih relevantnih propisa.

### Opis poslova:

- neposredni odgojno-obrazovni rad (redovna nastava prema NPP),
- pregled pismenih zadataka i programom predviđenih kontrolnih i grafičkih radova,
- ostali oblici neposrednog odgojno-obrazovnog rada (razredništvo, dopunska, dodatna, fakultativna nastava, slobodne aktivnosti, terenska/inovativna nastava)
- pripremanje za neposredno odgojno-obrazovni rad,
- ostali poslovi:
  - stručno usavršavanje,
  - rad u stručnim organima,
    - saradnja s roditeljima,
    - rad na pedagoškoj dokumentaciji,
    - rad na pedagoškoj elektronskoj dokumentaciji,
    - dežurstvo,
  - konsultacije s učenicima (ukoliko se realiziraju u posebnom terminu van redovne nastave),
  - vođenje stručnog aktiva,
  - rad u komisiji koju imenuju stručni organi škole,
  - rad u komisiji koju imenuje Školski odbor,
  - priprema za izvođenje terenske nastave,
  - posjete kulturnim i javnim ustanovama kao i kulturno-historijskim spomenicima,
  - ostali poslovi po nalogu direktora.

Pored **općih uslova** utvrđenih Zakonom o radu ("Službene novine Federacije BiH", br. 26/16 i 89/18) za zasnivanje radnog odnosa, kandidati treba da ispunjavaju i **posebne uslove** predviđene Zakonom, NPP-om, Pedagoškim standardima i Pravilnikom o radu škole, uz primjenu Pravilnika s kriterijima za prijem radnika u radni odnos u predškolskim ustanovama, osnovnim i srednjim školama kao javnim ustanovama čiji je osnivač Kanton Sarajevo ("Službene novine Kantona Sarajevo", br. 29/21 i 31/21, u daljem tekstu: Pravilnik) i to kandidat treba da ima završenu:

- visoku (VII stepen) ili višu (VI stepen, kao izuzetak utvrđeno Zakonom) stručnu spremu, po predbolonjskom sistemu studiranja ili I (kao izuzetak utvrđeno Zakonom) ili II ili III ciklus bolonjskog visokoobrazovnog procesa, na nastavničkom fakultetu ili drugom fakultetu i položenu pedagoško-psihološku grupu predmeta, koji ima odgovarajući profil stručne spreme koji je propisan u NPP-u.

**Mjesto obavljanja rada** za navedeno radno mjesto pod **1.** je na adresi JU OŠ „Vladislav Skarić“ Sarajevo, ulica Terezija broj 48, 71000 Sarajevo.

**Radno vrijeme** za navedeno radno mjesto pod **1.** je puno radno vrijeme (40 sati rada sedmično), koje se ostvaruje zavisno od Godišnjeg programa rada i Rasporeda časova u školskoj 2021/2022. godini.

**Osnovna plaća** za rad za navedeno radno mjesto pod **1.** iznosi :

- za VŠS - 1.071,00 KM, zavisi od stručnog zvanja radnika i srazmjerno vremenu provedenom na radu,
- za VII – VII stepen , I, II, III ciklus bolonjskog visokoobrazovnog procesa 1.165,50 KM, zavisi od stručnog zvanja radnika i srazmjerno vremenu provedenom na radu.

**Uz prijavu na konkurs kandidati su obavezni blagovremeno dostaviti - OBAVEZNU DOKUMENTACIJU, pod kojom se podrazumijeva:**

- a) svojeručno potpisana pisana prijava na konkurs s kratkom biografijom, kontakt podacima kandidata (adresa, broj telefona, e-mail adresa), tačnom naznakom na koju poziciju se konkuriše i tačno navedenom dokumentacijom koja se prilaže uz prijavu na konkurs;
- b) diploma/svjedodžba o stečenoj stručnoj spremi ili akademskom zvanju;
- c) izvod iz matične knjige rođenih;
- d) uvjerenje o državljanstvu (ne starije od šest mjeseci);
- e) saglasnost da se obavijesti iz člana 23. stav (1) Pravilnika i preliminarne odluke iz člana 25. stav (2) Pravilnika dostavljaju elektronskom poštom na adresu koju je kandidat naveo u prijavi na Javni konkurs;
- f) i druge dokaze o ispunjavanju uslova za to radno mjesto, a koji su navedeni u Javnom konkursu.

**Pored obavezne dokumentacije kandidati mogu dostaviti i - DODATNU DOKUMENTACIJU, pod kojom se podrazumijeva:**

- a) uvjerenje/potvrda o radnom stažu i uvjerenje sa šifrom zanimanja koje izdaje fond za penzijsko- invalidsko osiguranje;
- b) uvjerenje/potvrda poslodavca o vremenu provedenom na stručnom osposobljavanju u ustanovi;
- c) potvrde o ostvarenom radnom stažu kod poslodavca kod kojeg je kandidat radio s tačno naznačenim poslovima i radnim zadacima koje je kandidat obavljao;
- d) uvjerenje o položenom stručnom ispitu;
- e) potvrda o vremenu provedenom na evidenciji Službe za zapošljavanje (ne starija od tri mjeseca);
- f) potvrda da se kandidat nalazi na evidenciji Službe za zapošljavanje Kantona Sarajevo ili da je u radnom odnosu na određeno vrijeme (član 16. stav (3) tačka b) Pravilnika);
- g) uvjerenje nadležnog organa kojim se potvrđuje neratni invaliditet;
- h) rješenje o sticanju posebnog stručnog zvanja koje je izdato u skladu s Pravilnikom o ocjenjivanju, napredovanju i stjecanju stručnih zvanja odgajatelja, profesora/nastavnika i

stručnih saradnika u predškolskim ustanovama, osnovnim i srednjim školama i domovima učenika;

i) rješenje o ocjeni o radu koje je izdato u skladu s Pravilnikom o ocjenjivanju, napredovanju i sticanju stručnih zvanja odgajatelja, profesora/nastavnika i stručnih saradnika u predškolskim ustanovama, osnovnim i srednjim školama i domovima učenika;

j) potvrda o posebnom priznanju UNSA;

k) uvjerenje/rješenje nadležnih organa o pripadnosti boračkoj populaciji i to:

- uvjerenje o statusu djeteta šehida - poginulog borca i nestalog branioca;  
- rješenje o priznatom pravu na porodičnu invalidninu za suprugu šehida – poginulog, umrlog i nestalog branioca i uvjerenje o učešću u oružanim snagama za šehida/poginulog, umrlog i nestalog branioca, rješenje o priznatom svojstvu ratnog vojnog invalida;

- dokaz o bračnoj zajednici sa ratnim vojnim invalidom;

- rješenje o priznatom pravu na mjesečno novčano primanje dobitniku priznanja;

- uvjerenje o učešću u oružanim snagama;

- uvjerenje o statusu djeteta ratnog vojnog invalida;

- rješenje o priznatom pravu na invalidninu ili mjesečni novčani dodatak ili uvjerenje o učešću u oružanim snagama koje izdaje općinska služba za boračko-invalidsku zaštitu odnosno grupa za pitanje evidencije iz oblasti vojne obaveze prema mjestu prebivališta;

l) dokaz da je kandidat autor/koautor udžbenika koji je u upotrebi u Kantonu Sarajevo;

m) uvjerenje/potvrdu o neprekidnom prebivalištu na području Kantona Sarajevo u posljednja 24 mjeseca (ne starije od šest mjeseci).

Prijava kandidata koji nije dostavio dodatnu dokumentaciju će se smatrati urednom, a prijavljeni kandidat će se bodovati samo po osnovu onih kriterija za koje je dostavio urednu i validnu dokumentaciju.

Dokumentacija koju kandidat dostavlja uz prijavu na konkurs mogu biti kopije uz obavezu da kandidat koji je primljen po konkursu dostavi originalnu dokumentaciju ili ovjerene kopije dokumentacije, najkasnije pet dana po dobijanju konačne odluke o izboru radnika, a nakon konačnosti odluke o izboru radnika i ljekarsko uvjerenje nadležne zdravstvene ustanove koje nije starije od šest mjeseci, te drugu dokumentaciju u skladu sa zakonom i internim aktima Škole.

Kandidat koji ostvaruje **pravo prednosti u prijem u radni odnos po posebnim uslovima** po osnovu Pravilnika, dužan je dostaviti dokaz pripadnosti nekoj od kategorija i dokaz o ispunjavanju uslova, u skladu sa članom 16. navedenog Pravilnika:

"Član 16.

(Dopunska prava boraca-branitelja BiH)

a) Nakon bodovanja na osnovu općih i posebnih kriterija, kandidatima koji su prošli kompletnu proceduru uključujući i intervju, na ukupan broj prethodno ostvarenih bodova u zavisnosti o pripadnosti boračkoj populaciji (branioci i članovi njihovih porodica) dodaju se i dodatni bodovi na način da se na ukupan broj bodova dodaje postotak od istih i to za:

- |  |                  |
|--|------------------|
| a) dijete šehida, poginulog, umrlog, nestalog branioca bez oba roditelja   | 50%,             |
| b) lice u statusu člana porodice šehida/poginulog, umrlog i nestalog branioca, pri čemu djeca imaju prednost               | 35%;             |
| c) lice u statusu ratnog vojnog invalida i to do X grupe 27,5% + 0,3% za svaku narednu grupu invalidnosti od I grupe       | 27,5 -<br>30,2%; |
| d) lice u statusu demobiliziranog branitelja za jednu godinu učešća 23,5% + 0,1% za svaki mjesec učešća u Oružanim snagama | 23,5 -<br>27,1%; |
| e) dijete ratnog vojnog invalida od X grupe 20,5% + 0,3% za svaku narednu grupu invalidnosti do I grupe                    | 20,5 -<br>23,2%; |

- |  |             |
|--|-------------|
| f) dijete demobiliziranog branitelja s jednom godinom učešća u Oružanim snagama 16,4% + 0,1% za svaki mjesec učešća u Oružanim snagama                   | 16,4 - 20%; |
| g) lice u statusu dobitnika ratnog priznanja i odlikovanja dobija dodatno  | 10%;        |
| h) dijete dobitnika ratnog priznanja i odlikovanja dodatno   | 5%;         |
| i) lice i dijete lica u statusu organizatora otpora sa učešćem od 18.09.1991. do 15.10.1991. godine dodatno  | 3%;         |
| j) lice i dijete lica u statusu organizatora otpora, veterana sa učešćem od 15.10.1991. do 15.04.1992. godine dodatno po 0,3% po mjesecu u datom periodu | 0,3 - 1,8%; |
| k) lice i dijete lica u statusu maloljetni branitelj dodatno   | 2%;         |
| l) dijete umrlog demobiliziranog branitelja i ratnog vojnog invalida dodatno   | 1%.         |

(2) Suprugama ratnih vojnih invalida, kao članu uže porodice ratnog vojnog invalida, nakon bodovanja po osnovu općih i posebnih kriterija i provedene kompletne procedure, uključujući i intervju, na ukupan broj ostvarenih bodova dodaju se i dodatni bodovi i to:

- |  |    |
|--|----|
| a) suprugama ratnih vojnih invalida od X do VII grupe  | 1% |
| b) suprugama ratnih vojnih invalida od VI do III grupe | 2% |
| c) suprugama ratnih vojnih invalida od II do I grupe   | 3% |

(3) Pravo na dodatne bodove ostvaruju branioci i članovi njihovih porodica pod sljedećim uslovima:

- a) da imaju prijavljeno prebivalište/boravište u Kantonu Sarajevo i
- b) da se nalaze na evidenciji JU "Služba za zapošljavanje Kantona Sarajevo" ili su zaposleni na određeno vrijeme, što se dokazuje uvjerenjem/po tvrdom iz člana 18. stav (2) tačka f) ovog pravilnika ili da su zaposleni sa nižom stručnom spremom od one koju posjeduju.
- c) Dodatni bodovi iz st. (1) i (2) ovog člana računaju se u skladu sa Instrukcijom o bližoj primjeni kriterija vrednovanja prema Uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo ("Službene novine Kantona Sarajevo", br. 38/20 i 28/21)."

S kandidatima koji ispunjavaju uslove iz člana 22. st. (4) i (5) Pravilnika, Komisija će obaviti provjeru radnih i stručnih sposobnosti. O mjestu i vremenu provjere, kandidati će biti blagovremeno obaviješteni elektronskom poštom na adresu navedenu u prijavi na Javni konkurs. Kandidati koji bez opravdanja ne pristupe istoj, gube pravo daljnjeg učešća u konkursnoj proceduri.

Poželjno je da kandidati dokumentaciju dostavljaju u fotokopijama, jer se nakon okončanja javnog konkursa ista neće vraćati na adresu. Dokumentacija prijavljenih kandidata koji nisu izabrani po ovom konkursu vraća se na lični zahtjev predat na protokolu Škole u roku od 30 dana od okončanja konkursne procedure.

Prilikom bodovanja kandidati će se bodovati prema relevantnim odredbama Pravilnika.

Nepotpune, neuredne (kada nije dostavljena obavezna dokumentacija tražena konkursom ili s traženim rokom važenja) i neblagovremene prijave neće se razmatrati.

Prijave s potrebnom dokumentacijom mogu se dostaviti lično na protokol Škole ili putem pošte, u zatvorenoj koverti s naznakom:

**"Prijava na javni konkurs na poziciju\_\_\_\_\_ (navesti poziciju/e za koju/e je raspisan javni konkurs) NE OTVARAJ - OTVARA KOMISIJA",**

**na adresu:** JU OŠ " Vladislav Skarić" Sarajevo, Ulica: Terezija 48, 71000 Sarajevo.

Konkurs ostaje otvoren 10 (deset) dana od dana objave **obavještenja** o raspisanom Javnom konkursu, u dnevnim novinama **"Oslobođenje"**.

Naprijed navedeno obavještenje bit će objavljeno u četvrtak, 06. 01. 2022. godine, te je krajnji rok za prijavu na Javni konkurs ponedjeljak, 17. 01. 2022. godine.

Istovremeno, ovaj tekst Javnog konkursa (kompletan sadržaj teksta Javnog konkursa) je objavljen i na službenoj internet stranici Ministarstva za odgoj i obrazovanje Kantona Sarajevo i Javne ustanove „Služba za zapošljavanje Kantona Sarajevo“.

Telefon kontakt osobe zadužene za davanje dodatnih obavještenja:033/212-031